


***Greenland in Figures* saqqummersinneqarpoq**

Naatsorsueqqissaartarfimmit tuluttut allallugu naqitertitaq quppersagannguaq, inuiaqatigiinnut kalaallinut tunngasunik imaqarluni qulingiluassaanik nutaanik paasissutissalersorlugu saqqummersinneqarpoq.

Greenland in Figures naatsumik paasiuminartumillu Kalaallit Nunaannik ilisarititsivoq, maannalu 2012-mi nutartigaq saqqummerpoq.

Nassaruminartunngorlugu naqitaq 40-nillu quppernilik, peqqinnermut tunngasuteqartunik, nunanut allanut niuerner-mut tunngasunik, takornariaqarnermut tunngasunik isumaginninnikkullu ikior-siissutaasartunut tunngasunik najoqqutassanik paasissutissanik iluaqutaalluarsinnaasunittaaq nutartikkanik immersugaavoq.



Naqitaq atorlugu Naatsorsueqqissaartarfik ilaatigut takornariarpassuarnut, ukiut tamaasa Kalaallit Nunaannut tikeraartunut saaffiginnippoq aammalumi kalaallinut nunanit allamiunik tikeraartulinnut, taamatullu nunamut tunngasunik ilisimasassanik paasinnikkusullutik saaffiginnit-tunut. *Greenland in Figures* pissutsinik assigiinngitsunik imarisamigut piviusunik Kalaallit Nunaata ullumikkut inissisimaneranik eqqartuisoq najoqqutassatut pigissallugu iluatinnartuuvoq.

Naqitaq inniminnerukku aqquataata akia taamaallaat akilissavat, taamaakkaluartorli amerlasuunik piniarnermi Naatsorsorsueqqissaar-tarfimmit allaffissornermi aningaasartuutitut akiligassiisinnaavoq. E-maili stat@stat.gl atorlugu imaluunniit oqarasuaat + 299 36 23 60 sianerfigalugu piumasat amerlassusaat sumullu nassiunnissaat naluunaarlugit piniarneqarsinnaavoq.

Paasissutissanik allanik pisariaqartitsisoqassaguni paasissutissalerisoq
oqarasuaatikkut + 299 36 23 60–kut saaffigineqarsinnaavoq imaluun-
niit e-mail stat@stat.gl atorlugu.